

Mekana ε Zuud Zuud Eniel

Mekana mak, Zuud ε nakwyal γε. Zuud ε dhyyeb ε Zak be ne Yezu.

Nye nakwyal mekana me tak ε étep ekeletye djas. Tó mekana mak, Zuud epedul ekeletye melo dum ne mbee melyo me di àànɔŋel ne Mbεε Bhaadal ε. Mbee mefulu mɔɔ epelyaal náá, be é bot ε dinaa, be àádum kon ne Yezu ɔ. Nye epebaalyaal dāa Zεεb aawa bot ε di esa embee mesa e feŋ.

Tó mekana mak, Zuud epenɔɔ etep ee nasael eghen ebhen ε na mwa, étep nye neelyo ekeletye e melu mak. Bhaadal ε Zuud epenɔŋel ne mekana me bɔɔba ε Pyεd.

Mekana me Zuud ε ne ghwyil di ne metsek meten ne ebá:

Mεswosel (1-2)

Zuud epedul ekeletye melo dum ne embee melyo (3-16)

Dāa Zuud di edje meghaaz ne ekeletye, étep be needi ghin tɔ edum ε kon ne Zεεb, dɔɔ ne Yezu

Klisto metsik bot'enaka (17-23)

Duu ne Zεεb, ne melyo me mesik (24-25).

Mεswosel

¹ Ye é mam Yude, kwom e mesa ε Yezu Klisto, mon nyεεg ε Zak. Me kwyal ε biyɔ mekana mak, biyɔ bot ε Zεεb nazedjoo ɔ, biyɔ bot ε Zεεb sεεg di ekwyel ɔ, biyɔ bot ε Yezu Klisto di ebaal ɔ.

² Beta náá, Zεεb dje bin betε ne lyem ghon, egwyem ne kwyl.

Mbee belyoel

³ Bɔɔ nyaag'am mε di ekwyel ɔ, mε nabε é nε gwyes ekwyal bin mεkana kɔ εsu ε tsik na kɔm-kɔm Zεεb natsik mena ε, deenek, ye goka é náá, mε kwyal bin mεkana mak étεp εdjε bin mεghaaz, bi needuu tuub étεp εdum ε koη nε Zεεb nazedjεaa kɔm-kɔm nε bot ε nadεε ɔ.

⁴ Tin, bεdhiiti bot ε na mbee mεpek eezeni tɔ len syaab. Bε εpeliig sa enεm nε embεε Zεεb'ena di elεε ε, étεp bε neediyal mεnyel dum nε embee mεfulu mɔɔ. Deenek, bε eelum koη nε Yezu Klisto sim Ghεη'enaka, sim lyoel'enaka. Tin, ekwyala naazelolεε mbi fεη di ebwood bε ε.

⁵ Bela náá, bi eezegu etεp binek djas εnyɔεpe. Deenek, mε kaada bin ε dáa Ghεη natsik bɔɔ Yisalaεl pε kyee dik Eziptε ε, bhii tak, nyε naazεgó bot ε nadi áádum koη nε nε ɔ.

⁶ Baataalaka dɔɔ nε efofop nadi áákwyel edi e edi Zεεb nanεεg bε ɔ, bɔɔ ε batadus edi bε nadidi ɔ. Wɔ gwaa, Zεεb zεnɔɔ bε, kɔl bε nε ekel eghwooz kɔm-kɔm. Bhii tak, nyε eezεdiyal bε tɔ ghooghom kεkum e boo dwoo epée bɔɔ.

⁷ Taalaka dɔɔ nε eghaada Sodɔm nε Ghomɔɔd, zεnɔɔ eghaada nadi e mengwoob ε: bot ε eghaada tak nadi é nε embee mεfulu dáa efofop binɔk, bε nadi é nε mbee mεzɔ, nε dhiiti mεzel mε edi εbá ee Zεεb di áákwyel náá, ye sael ε. Tin, bε é tɔ fεη du na kɔm-kɔm. Yenεk ε, dáa Zεεb dul menabεlka djas mεlɔ ε.

⁸ Bot ε nazeni tɔ len syaab ɔ, ye é deenek ε bε dyeebasa. Nε mbee esimza bε di nε yε ε, bε εpesyem nε mεnyel mɔɔ, bε εpebyasal eghεη Zεεb, bε εpenyek duma efofop di tɔ gwoo ɔ.

⁹ Tin, konyel Mesel kukuma efofop nabe é ààkosa ye. Tò ewo be ne satan, e sok be nadi esuu muu ε Moiz ε, fofop Mesel nabe é ààkolee nyε, nyε nazoke ne ne náá: «beta náá, Gheη wa wo e fen!»

¹⁰ Bot binok lee ε sa be di ààgu ε, sa be di egu ε, be gu ye é dáa betit, bot ε di ààtiibal o, ye é etep binek ε di esa náá, be wo ze.

¹¹ «Ha!» Kpaa-ghon ne noo, etee náá, be naadu ko ε Kayin, be eewo ze dáa Bhalaam etep epata. Tin, be nagwyε é etee náá be naalyel elo dáa Koole.

¹² Be é bot ε di ekus εghuub, e sok bi di tò zεεga ebyon ε ede edee bi ne bon nyεεg bin ε. E di'enek, be bøl ebyon ε, àabis mot, àabe ne syen, be é dáa eguud di ewo tò gwoo ne pup ε, tin bhi kadi é àànee. Be é dáa ele di ààwum ε ye nakoozodi e mbu di egoka ne ewum ε. Tin, ye guaa o, ye waabaagwyε, gwyεa sis.

¹³ Deenek, be é tyee bhuuge boo dii meson di dheegel ebuεpe ε, be wyisal embee mefulu moo ε «pwaleη» e mis me bot dáa boo dii meson dyee-bawyisal eput esonok di emwasaa tò tak ε. Be é dhatyee ekwyikwyen di ewo dáa εghwak tò medii ε. Tin, tò di meghomla, Zεεb naazekoobal be di na kom-kom.

¹⁴ Enok, bhaab'enaka yii eten ne ebá bhis Adam, naaloolε náá: «Beeka, Gheη epezyε alu ne alu ne efofop be nadεε,

¹⁵ étep ezepeε bot ε bos djas. Tin, nyε waakwyesal bot ε mesyem ndje sos, kò esu ε embee mesa moo ee be nasa ne Zεεb ε. Doo ne embee mekpa me bot ε mesyem di ààkaab bot o nalelloo nyε é.»

¹⁶ Bot binok, tok ne memyaala tò elyem boo, mesa moo ε etanjal, be ke é dáa elyem boo di ekwos ε. Be lii

nε bot ε nε ebet, bε nε sa mεkɔŋ kɔ elo e bot, étεp bε neebela sa bε di esan ε.

Edul ε melɔ nε lwomel

¹⁷ Yε kabε biyɔ ɔ, bɔɔ nyaag'am mε di ekwyel ɔ, taalaka mεkpa mε bot ε lwoma ε Ghεŋ'enaka Yezu Klisto nagoola bin ε.

¹⁸ Ye nabε é, bε eelεε nε nen náá: «e mεsik mε bɔs, yε aadi é nε bot aawyii bin, bε aazodi eke ε tɔ mbee mekwosak mε elyem bɔɔ.»

¹⁹ Bε é binɔk, bot ε εzεm, bot ε di ewa mbek ɔ, bε tok nε sisim ε Zεeb tɔ lɔɔ, bε kε é nε ekwosak ε epuud bɔɔ tyee bεtit.

²⁰ Yε kabε biyɔ bɔɔ nyaag'am mε di ekwyel ɔ, saka náá, tsik'en kεkɔ e dεε εdum ε koŋ len nε Zεeb, Djaalaka nε mεbwala mε Sisim na Dεε.

²¹ Waka lyem tɔ kwyel ε Zεeb, étεp εbwood dwoo Ghεŋ'enaka Yezu Klisto aadjε mena tsik na kɔm-kɔm kɔ esu ε lyem ghon'ε.

²² Dika nε ghon nε bot ε di ekaab εdum ε koŋ ɔ.

²³ Deenek, ye é nε bεdhiiti bot ε dinaa, bi ε nε ghwyil ε tsik bε e εwyisal ε bε tɔ du epée ɔ. Yε kabε bεdhiiti bot ɔ, dika nε lyem ghon nε nɔɔ, dika nε etson, eghεŋ bi nε bε nɔɔ εdi edi wat ɔ, ekaab náá, bε εzεkeful bin elo nε mbee mεfulu mɔɔ.

Duu e mεsik

²⁴ Dum nε mot di ebaal bin étεp bi needi àasyem, mot di nε ghwyil ε baadis bin mesyem etεε náá, bi needi dεε, nε mεmyaala tɔ duma yε,

²⁵ nε sim Zεeb'enaka ngɔt, mεtsik-bot menaka, kɔ lo ε Yezu Klisto Ghεŋ'enaka. Beta náá, duma, nε mεbwala, nε ngek'ε dɔɔ nε ekukuma bε, di nε nε nenak, kɔm-kɔm sii nε kɔm! Ye di deenek!

Bekwel

Bekwel: Bekwel (New Testament)

copyright © 2024 Wycliffe Bible Translators, Inc.

Language: Bekwel

Contributor: Wycliffe USA

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

- You include the above copyright and source information.

- If you make any changes to the text, you must indicate that you did so in a way that makes it clear that the original licensor is not necessarily endorsing your changes.

- If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-04-26

PDF generated using Haiola and XeLaTeX on 26 Apr 2025 from source files dated 26 Apr 2025

93bbbee1-b255-555f-8c39-01878a3cad57